

痰

瞑目不食

卒死

欬嗽

笑哭不常

人漸縮小

消痺

喘

厥

人暴長大

痺

瘡

瘰

人化為水

名醫類案 寅



名醫類案卷第三

新都篁南江瓘集

後學

仁余 集蓉裳  
錢塘 魏之琇 玉橫  
仁沈 煥 敦曾  
鮑廷博 以文

重校

# 痰

羅謙甫治楊大叅七旬餘宿有風痰春間忽病頭旋眼黑目

不見物心神煩亂兀兀欲吐不吐心中如懊懺狀頭徧痛

微腫而赤色腮頰亦赤色足脢冷此足冷因痰火上升羅曰此少壯

時好飲酒久積濕熱於內風痰內作上熱下寒陰陽不得

交通否之象也經云治熱以寒雖良工不能廢其繩墨而





更其道也。然而病有遠近。治有重輕。參政年高氣弱。上熱雖盛。豈敢用寒涼之劑。損其脾胃。經云熱則砭之。以三稜針約二十餘處。刺出紫血。如露珠之狀。少刻頭目清利。諸症悉減。遂處一方。天麻爲君。柴胡黃芩黃連俱酒製爲臣。以治上熱。陳皮辛溫炙甘草甘溫補中益氣爲佐。生薑半夏辛溫治風痰。茯苓甘平利水。導濕熱引而下行。故以爲使。立法可法服數服。邪氣平而愈。此案與東垣治火條中案相同。

滄州翁治一人病寓湖心僧舍。以求治。翁至。其人方飯。坐甫定。卽搏爐中灰雜飯。猛噉。且喃喃詈人。命左右掖之。切其

脉三部皆弦直上下行而左寸口尤浮滑蓋風留心胞症也。法當湧其痰而凝其神既湧出痰沫四五升即熟睡竟日乃寤寤則病盡去徐以治神之劑調之神完如初。丹溪治一室女素强健六月發煩悶困憊不食時欲入井脉沉細數弱口漸渴醫作暑病治不效又加嘔而瘦手心熱喜在暗處脉漸伏而妄語。憑脉作暑治亦不謬但喜在暗處云云明屬風痰朱制局方妙香丸。妙香丸方辰砂膩粉巴豆冰片麝牛黃實大井水下一丸半日大便藥已出矣病不減遂以麝香水洗藥以針穿三孔涼水吞半日下稠痰數升得睡漸愈因記金匱云昔肥而今瘦者痰也。

名醫類聚卷之六痰



一人患痰血滯不行。胸中有飲。服韭汁三四盞。胸中煩躁不寧。無効。以瓜蒌仁一錢。半夏二錢。貝母三錢。爲末。炊餅丸。麻子大。薑湯送下。卽抑痰丸。

一人遍身俱是塊。塊卽痰也。二陳加白芥。薑炒黃連煎服。

一人年五十。形肥味厚。且多憂怒。脉常沉澹。自春來得痰氣。病醫認爲虛寒。率與燥熱香竄之劑。至四月間。兩足弱。氣上衝。飲食減。朱視之曰。此熱而脾虛。痿厥之症作矣。形肥而脉沉。未是死症。但藥邪太盛。當此火旺。實難求生。且與竹瀝下白朮膏。盡二斤。氣降食進。一月後。仍大汗而死。此





一婦年五十餘素多怒因食燒酒次早面浮絕不思食痰身  
倦怠脉沉澹獨左豁大朱作體虛有痰氣爲痰所隔不得  
降當補虛利痰藥爲主煎六君吞每早以二陳加參朮大  
劑與一貼後探令吐出藥辰時與索矩三和湯三倍加白  
朮至睡後以神祐丸七粒撓其痰神祐丸不如如此一月  
而安

虞恒德治一婦四月間因多食青梅得痰飲病日間胸膈中  
大痛如刀錐至晚胸中痛止而膝髀大痛蓋痰飲隨氣升  
降故也一醫作胃寒治胃寒之脉宜見沉遲或緊用乾薑  
今見洪數而滑非寒可知  
良薑官桂烏附丁沉輩及煮胡椒粥間與病日劇加之口



渴。小水淋瀝。虞診其六脉洪數而滑。作清痰處治。令其亟烹竹瀝服三日。口不渴。小水亦不淋瀝。但胸中與膝互痛。如舊。用蘆薈子汁。研與半碗。吐痰半升。至夜痛尤甚。而厥正所謂引動其猖狂之勢耳。粗工至此束手無策矣。次日用參蘆一兩。逆流水煎服。不吐。又次日。苦參煎湯服。亦不吐。又與附子尖。桔梗蘆薈皆不吐。一日侵晨。梨蘆末一錢。麝香少許。酸漿水調與。始得大吐。至次日天明。吐方定。前後得痰。及稠飲一小桶。其痛如脫。調理而安。

一東南朝貴。素畏熱藥。病痰。輒云火痰。茹苓連。一日冬雪寒冽。眩嘔以死。韓飛霞以黑附子一片。砒一分。舂入薑汁。切

之大吐。又服煖藥而愈。此蓋地氣束人。豈可拘執自誤。况

痰生於濕。濕生於寒乎。吐寒痰之法

會稽徐彥純治一人。病痰數年不愈。診其脉。左手微細。右手

滑大。微細為寒。滑大為燥。以瓜蒂散湧其寒痰。數升。汗出

如沃。次以導水丸。禹功散。去腸中燥垢。亦數升。人半愈。後


以淡劑流濕降火。開胃口。不越月而瘥。吐下兼行

盛文紀以醫名吳中。有訓導病頭疼發熱惡寒。初作外感治。

或以風治。見熱則退熱。痛則止痛。或又以氣虛治。由是病

劇。人事不省。飲食已絕。危哉。盛診視曰。君幾誤死。法當先去

其滯。遂用二陳湯加大黃六七錢。令守者曰。急煎俾服。至





夜分左眼若動。肝氣乃舒。大泄則有可生之機矣。至夜半時。腹中有聲。左眼果開。遺穢物斗許。中有堅硬如卵之狀。竹刀剖視。卽痰裹麩食也。此症斷之痰裹食非明眼不能既而氣舒結散。津液流通。卽索食矣。衆醫問故。盛曰。訓導公北人也。久居於吳。飲酒食麩。皆能助濕。濕能傷脾。脾土一虧。百病交作。有是病。服是藥。更何疑焉。衆醫咸服。

黃師文治一婦人。臥病垂三年。狀若勞瘵。諸醫以虛損治。不瘥。黃視之曰。此食陰物時。或遭驚也。問之。婦方自省。悟曰。曩者食水糲時。忽人報其夫墜水。由此一驚。病延至今。不能愈。黃以青木香丸。兼以利藥一貼與之。須臾下一塊。挾

之乃痰裹一水糲耳當時被驚怏怏在下而不自覺也白  
後安康無恙

小兒醫陳日新形體尪羸嘗日病熱至暮尤甚醫以陰虛治  
或以癆瘵治在苒半載病勢轉危日新謂其父曰欲得大  
黃通利大腸爲之一快雖死無憾其父從之遂以導痰湯  
入硝黃煎服自辰至申下結糞一塊如核桃許抉開視之  
乃上元看燈時所食粉餌因痰裹在外不能化由是致熱  
日漸銷鑠耳向使日新不自知醫則終爲泉下人矣誰謂  
劉張之法無補於世哉

錢中立治周訓導年五十時患痰火之症外貌雖癯稟氣則

厚性不喜飲。醫視脉孟浪，指爲虛火。用補中益氣湯加參  
朮各五錢。病者服藥踰時，反致氣喘上升，喘息幾殆。錢視  
曰：此實火也。宜瀉不宜補。痰氣得補火邪愈熾。豈不危殆。  
先用二陳湯探吐出痰碗許。其夜安寢。平明仍用二陳去  
半夏加朴硝大黃。下結糞無數。其熱始退。更用調理藥旬  
日始安。吁！不識病機，妄施補瀉，鮮有不敗事者。

豐城尹莫強中，凡食已輒胸滿不下。多方治之不效。偶家人  
輩合橘紅湯取嘗之，似有味。因連日飲之。一日坐廳事，方  
操筆，覺胸中有物墜下，大驚，目瞪汗如雨，急扶歸，須臾腹  
疼，下數塊如鐵彈子，不可聞。自此胸次廓然，蓋脾之冷積



也其方橘皮去穰取紅一斤甘草鹽各四兩水五碗慢火  
煮乾焙搗為末點服夫莫病經年藥餌多矣不知功乃在  
一橘皮世之所忽豈可不察哉又古方以橘皮四兩水五  
碗慢火煮乾焙搗為末點服名曰二賢散以治痰特驗

編

吳菱山治一男子瘦弱因臥卑濕之地遂得溢飲之証頭目

眩暈羞日光寒熱時作痰能作寒四肢歷節疼痛四肢歷節疼痛

乃濕飲流注關節○合羅案四肢病看之方妙處以大羌

活湯大羌活湯方羌活獨活升麻靈仙防

風蒼木當歸

甘草澤瀉茯苓醫作風治或作虛治將及半年俱不

效吳診脉曰寸口脉沉而滑兩尺弦此溢飲濕痰也但汗



吐之。諸醫以病者虛羸。當用補法。謂汗吐必死。吳曰。此益

飲。當發其汗。遂以控涎丸一服。控涎丸方 川烏 製半

鏡粉 生薑汁打糊為丸 硃砂為衣 薑湯下 却用爆乾綿子一斗。燃之以被圍。

之。勿令氣泄。令患人坐薰良久。倏然吐出黑痰升許。大汗

如雨。痛止身輕。其病遂愈。

一婦素有心脾氣痛。好燒酒。患舉則四肢厥冷。每用諸香附

子。薑桂之屬。隨服隨止。一日前患復作。遂以前藥服之。不

安。仍飲燒酒二盞。酒下腹脇脹滿。坐臥不得。下木香檳榔

丸一百丸。大便通後。痛稍可。頃間下墜。愈痛。向夜延吳診

視脈數而有力。知前香燥太過。酒毒因利而發。卽以黃連

解毒湯入木香少許二服而安。琇按此條不當入痰案

王中陽治江東富商自奉頗厚忽患疾心驚如畏人捕之聞

脂粉氣即便遺泄晝夜坐臥常欲人擁護方安甫交睫即

陽氣不固遍身紅暈紫斑兩腿連足淫濕損爛膿下不絕

飲食倍常酬應不倦。非虛可知累醫不效王診得六脉俱長三

部九候往來有力兩手寸尺特盛至數遲數不愆卒難斷

証因問之商曰某但覺虛弱無力多驚悸及苦於下元不

固兩腿風瘡侍奉皆賴婦人而又多慾不能自禁奈何治

之王曰時醫必作三種病治一者治驚悸二者治虛脫三

者治風瘡以余觀之只服滾痰丸然後調理滿座愕然王





曰此係太過之脉。心腎不交。

斷症

商曰然則腿脚爲風癩

乎。王曰非也。水火亢行。心不攝血。運於下。不能上升。凝於

肌膚。日久濕爛。與火炎水濫。神情不寧。精元頻泄者。本同

標異也。予欲逐去痰毒。然後調理。遂與滾痰丸二次。三日

後。脉候稍平。再令服之。商曰某浙產也。家人慮吾體虛。每

求補劑。王曰君連年醫藥不效。反增劇者。不識虛實。認似

爲真故也。再令服三次。越五日。其脉和。已不言及驚悸之

苦。但求遺泄之藥。王用豁痰湯。本方加茯苓煎服。月餘。諸

症悉減。精爽能步。只求治腿瘡。更令服豁痰藥數劑。用嬰

幼門泥金膏。以新汲水濃調。厚敷兩腿。乾則易之。經一時

洗去則熱氣已衰皮肉寬皺然後用杖毒活血之劑治之

方出衛生寶鑑痰症門泥金膏亦出此書

一貴婦忽心腹冷痛遂吐出宿汁不已又吐清涎如雞蛋清

之狀一嘔一二升許少頃復嘔諸藥不納嚙唾亦不能順

下虞恒德治產後吐案已經三日但聰明不昧三日之後聰明不寐

非虛可知囑後事將就木王診六脉弦細而長虛症無長脉令服滾

痰丸三十九並不轉逆須臾坐寐移時索粥食之次日再

進三十九更服局方茯苓半夏湯次日服小兒方白朮散

四五日飲食如常而愈

一人素清癯骨立苦滿腹冷痛呻吟之聲撼屋振床嘔吐清



汁如雞蛋清。諸醫不效。令服滾痰丸三十粒。卽寧睡。更不嘔逆。復診其脉。雖熟寐中。亦甚弦數。睡醒仍更呻吟。再投五十九。其痛休作。數四。但不甚大嘔。節續如廁。畧有大便。如水浸猪肉。亦如赤白滯下。小溲少許。皆如丹粉和膠膩。不多。餘皆是藥汁。迫暮大嘔。如雞蛋清水二升。藥丸皆如茶脚褐色。仍如前粒粒分曉。痛乃定。熟睡。次日畱豁痰湯數貼。令其服罷。仍服白朮散而愈。

燕人楊姓者。久患冷氣。滿腹上攻下注。大痛不堪。任通陣壅。

上卽吐。冷涎半升而止。

已見痰症

每日一作飲食不進。遂成骨

立。醫用溫補不效。視其脉六脉弦長勁急。兩畔別有細脉。



沸然而作狀如爛綿不問患者所苦何症但以脉言之

急勁則有一胸膈臭痰在內患者曰然衆醫皆作冷氣因補

治下元日久並無少效某自覺胸中痞悶但不會北方醫

今聞此說令我大快遂投滾痰丸五十丸臨睡服之

方得服藥半夜後吐黑綠冷涎敗水無數次早大便畧通已見

敗痰更求今晚之藥再付七十丸其病如脫再進一次令

服局方橘皮半夏湯四君子湯而愈

李媪年八十餘臥病日久心煩喜怒改常胸閉不能進食迷

悶展轉不安並無寒熱別証病無寒熱而胸迷悶痰也令親人求治王

曰彼疾久治不瘥吾除滾痰丸之外無法可施况其年高



不食。豈其宜乎。吾固知其可服。但不可多。試以十九投之。  
一服。遂敗痰三五片。如水浸阿膠。頓覺安好。再與三十九。  
作三服。即安。更製龍腦膏一料。令其每夜噙睡。無恙。五載  
而終。

一富翁素強健。忽病喘滿。不咳不吐痰。病日久。腿脚陰囊盡

水腫。

合治江東南案看之知腿脚陰囊水腫乃痰使之

倚臥肩息困極。王曰。非水

症也。但胸膈有敗痰。宜服滾痰丸。患者曰。非四五人扶持。莫能登溷。遂已之。至於針刺放水。備嘗諸苦。年餘漸瘥。忽

吐臭痰。患人撫床大聲曰。果中前言。吾不智。以致久患。今則痰敗。必成肺癰。急請王來。遂製龍腦膏一劑。服未盡而

愈方出養  
生主論

一婦嬌弱豐頤。不顯言何証。求王診視。六脉疾數勁急。上大下小。三焦部分搏指之甚。王曰。那得許多熱來。其夫笑曰。此言與老醫之言。何其相背太甚。老醫曰。那得許多冷來。故服藥衣食。並是辛熱過暖之事。疑其症益加。今當從先生之言。請爲治之。問其見証。曰。上壅痰盛。胸閉脇痛。頭不能舉。口苦舌乾。精神煩亂。夢寐恍惚。兩頷結核。飲食不美。於是令服滾痰丸。八十九。隨時清利。相繼三次。服之五七日。一次服九十九。至百丸。每夜噙龍腦膏。然病勢日久。兼聞稟賦夙異。遂令服黃連解毒丸。一年方愈。

方出養  
生主論



汪沈治淮陰楊姓者，患脾虛而痰盛，因服硝黃過多，致脾胃益憊，疲倦不能下榻，數月危甚。汪診之，以導痰湯加人參、白朮服之，漸愈。

薛已治一儒者，背腫一塊，按之則軟。軟則非毒肉色如故，飲食如

常。勞則吐痰，體倦。此脾虛而痰滯，用補中益氣加茯苓、半

夏少加羌活。加羌活散鬱妙外用陰陽散以薑汁調搽，而消。後因

勞頭暈作嘔，仍以前藥去羌活，加蔓荊子而愈。

閣老梁厚齋氣短有痰，小便赤濇。腎虛可知足跟作痛，尺脈浮大。

按之則濇，此腎虛而痰飲也。用四物送六味丸，不月而康。

仲景云：氣虛有飲，用腎氣丸補而逐之，誠開後學之矇瞶。



濟無窮之天枉腎氣丸卽六味丸

孟都憲患氣短痰暈服辛香之劑痰盛遺尿腎虛兩尺浮大按

之如無

前案尺按之澁此按之如無皆主補腎

乃腎虛不能納氣歸源香燥

致甚耳用八味丸料三劑而愈

孫都憲形體豐厚勞神善怒面帶陽色日渴吐痰或頭目眩

暈或熱從腹起

俱似火症烏知為虛耶

左三部洪而有力右三部洪

而無力乃足三陰虧損用補中益氣加麥門五味及加減

八味丸而愈

立齋兄體貌豐偉吐痰甚多脉洪有力殊不耐勞遇風頭暈

欲仆

脉症似實火但不耐勞為虛症又遇風則暈仆若果實熱斷無此症

口舌破裂或至赤

爛。誤食薑蒜少許。口瘡益甚。服八味丸及補中益氣湯。加附子。錢許。卽愈。停藥月餘。諸症復作。以補中益氣。加麥門五味。兼服而愈。

# 笑哭不常

秀按素問神有餘則笑不休。神不足則悲。其有痰者亦因乎火也。

張子和路逢一婦人喜笑不休。半年矣。諸醫治之術窮。張曰。此易治耳。以食鹽二兩成塊。燒令通紅。放冷。研細。以河水一大碗。煎三五沸。溫分三服。須臾探吐出痰半斗。次服火劑黃連解毒湯。不數日而笑止。

倪維德治一婦病氣厥。笑哭不常。人以為鬼祟。所憑倪診脉。



俱沉胃脘必有積有所積必作疼遂以二陳湯導之吐痰升許而愈此蓋積痰類崇也

一妓患心疾狂歌痛哭裸裎妄詈問之則瞪視默默脉沉堅而結曰得之憂憤沉鬱食與痰交積胸中涌之皆積痰裹血後與大劑清上膈數日如故

臨淄人自謂無病忽覺神思有異晚歌笑不節沈宗常曰此

陰火乘肝晚動陰火乘脾見於書陰火乘肝見此案宜以柔劑少加利之良

愈四物加大黃瀉青丸

一婦無故悲泣不止或謂之有崇祈禳請禱備至不應金匱有一症云婦人藏燥喜悲哀傷欲哭象如神靈所作數欠



伸者甘麥大棗湯主之。其方甘草三兩。小麥一升。大棗十枚。水六升。煮取三升。分溫三服。亦補脾氣。十四貼而愈。悲屬肺。經云。在藏為肺。在志為悲。又云。精氣并于肺則悲。是也。此方補脾。蓋虛則補母之義也。

# 厥

琇按素問陽氣衰于下則為寒厥。陰氣衰于下則為熱厥。又三陽三陰皆有厥症。

淳于意治故濟北王阿母。自言足熱而懣。臣意告曰。熱蹶也。

琇按素問熱厥為

酒與穀氣相薄。

即刺其足心各三所。按之無出血。病旋

已。病得之飲酒大醉。史記

子和治西華季政之病。寒厥。其妻病熱厥。前後十餘年。其妻

服逍遙散十餘劑不效。二人脉皆浮大而無力。政之曰：吾手足之寒時時瀆以熱湯，寒不能止。吾婦手足之熱終日沃以冷水而不能已。何也？子和曰：寒熱之厥也。此皆得之貪飲食，縱嗜慾，遂出內經厥論証之。政之喜曰：內經真聖書也。十餘年之疑，今而釋然。縱不服藥，愈過半矣。子和曰：熱厥者，寒在上也；寒厥者，熱在上也；寒在上者，以溫劑補肺金，熱在上者，以涼劑清心火。分處二藥，令服之。不旬日，

二人皆愈矣。

熱用溫劑，寒用涼劑，治法之變無踰此。

一少婦氣實多怒，事不如意，忽大叫而欲厥，蓋痰閉於上，火起於下而上衝。滑伯仁乃用香附五錢，生甘草三錢，川芎



七錢童便薑汁炒煎服。又用青黛、人中白、香附丸服稍愈。後用吐法乃安。再用導痰湯加薑汁、黃連、香附、生薑、下龍會丸安。

呂元膺治一僧病厥已三日不知人。切其脉右寸口之陽弦而遲，少陰之脉左緊而動，不滿四十動而止。此寒邪乘於腎肝所致。法當以辛甘復其陽，爲作湯三升頓服，遂起對客如不病。然一藏已絕，去此若干日當復病，卽死。果驗。

丹溪治一婦病不知人，稍蘇卽號叫數四而復昏。朱診之，肝脉弦數而且滑，曰：此怒心所爲，蓋得之怒而強酒也。詰之以不得於夫，每夜必引滿自酌，解其懷。朱治以流痰降火。

之劑而加香附以散肝分之鬱立愈。

一人平生脚自踝以下常覺熱冬不加綿於上常自言我資稟壯不怕冷朱曰此足三陰虛宜斷欲事以補養陰血庶幾可免彼笑而不荅年方十七痿半年而死。

劉錫鎮襄陽日寵妾病傷寒暴亡衆醫云脉絕不可治或言市上賣藥許道人有奇術可用召之曰是寒厥爾不死也乃請健卒三十人作速掘坑熾炭百斤雜薪燒之俟極熱施薦覆坑昇病人臥其上蓋以氈褥少頃氣騰上如蒸炊遍體流汗衣被透溼已而頓蘇如取藥數種調治即日愈。

夷堅志

陳斗富治一婦人病厥逆。脉伏。一日夜不甦。藥不能進。陳視

之曰。可活也。鍼取手足陽明。足手陽明大腸合谷穴氣少回。

灸百會穴。迺醒。初大泣。既而曰。我被數人各執凶器。逐潛

入櫃中。聞小兒啼。百計不能出。又聞擊櫃者。隙見微明。俄

覺火燃其蓋。遂躍出。其擊櫃者針也。燃櫃蓋者灸也。

郝允治二里婦。一夜中口噤如死狀。允曰。血脉滯也。不用藥。

聞鷄聲自愈。一行蹠蹠輒踣。允曰。脉厥也。當活筋。以藥熨

之。自快。皆驗。

游以春治一嫠婦。年三十餘。忽午後吐酸水一二碗許。至未

時。心前作痛。至申痛甚。暈去不省人事。至戌方甦。如故。每



日如此醫治期年不愈游至用二陳下氣之劑不效熟思其故忽記鍼經有云未申時氣行膀胱想有瘀血滯於此經致然遂用歸尾紅花各三錢乾漆五錢煎服痛止吐定暈亦不舉次日復進一貼前症俱愈第三日前方加大黃桃仁飲之小便去凝血三四碗而痊

江篁南治一婦忽如人將冷水潑之則手足厥冷不知人少

頃發熱則漸省一日二三次虛何疑江診六脈俱微若有若

無欲絕非絕此氣虛極之症也用人參三錢陳皮一錢枳殼二分人參漸加服參六兩而愈

一人臥奄然死去腹中走氣如雷名曰屍厥用硫黃一兩焰

硝五錢研細分三服好酒煎覺烟起卽止溫灌之片晌再服遂醒

江應宿治弟婦年二十五寡居因事忤意忿怒腹脹如鼓嘔噦大叫而厥少頃復甦晝夜扶立不能坐臥醫莫能療將就木宿適從外歸聞喊聲問其狀知痰涎閉塞火氣衝逆而發厥耳急煎薑湯磨紫金錠一七而愈後旬日遇事忤意激怒復舉製平胃加薑炒黃連半夏香附米爲丸服半

料不復舉矣

合滑伯仁案同看

# 瘧

秀按瘧乃瘧之譌有汗爲柔瘧無汗爲剛瘧○瘧癡去聲惡也瘧擊上聲風強病



丹溪治一少年痘瘡靨謝後忽口噤不開四肢強直不能屈

時遶臍腹痛一陣則冷汗如雨痛定汗止時作時止脉極

弦緊而急如真弦狀遶臍痛似實時作時止為虛諸緊為寒知其極勤苦因

勞倦傷血瘡後血愈虛風寒乘虛而入當用辛溫養血辛

涼散風芍藥當歸為君川芎青皮鈞鈞藤為臣白术甘草

陳皮為佐桂枝木香黃連為使更加紅花少許煎服十二


貼而安妙方使尤佳

子和治一婦年三十病風搐目眩角弓反張數日不食諸醫

作驚風暗風風癩治之以南星雄黃天麻烏附不效子和

曰諸風掉眩皆屬肝木曲直搖動風之用也陽主動陰王

靜山火盛制金金衰不能平木肝木茂而自病故也琇按此論





深得瘕  
病肯緊  
先涌風涎二三升次以寒劑下十餘行  
治以流痰降火又

以銑針刺百會穴出血二盃立愈  
博按此案舊刻脫悞

虞恒德治一婦年三十餘身材小瑣形瘦弱月經後忽一日

發瘕口噤手足攣縮角弓反張虞知其去血過多風邪乘

虛而入用四物湯加防風羌活荆芥少加附子行經二貼

病減半六貼全安

琇按土敗木賊之病

# 瞑目不食

四明僧奉真良醫也天章閣待制許元為江淮發運使奏課

於京師方欲入對而其子病亟瞑而不食惛惛欲逾宿矣

使奉真視之曰脾已絕不可治死在明日元曰觀其疾勢



固知其不可救，今方有事，須陞對，能延數日之期，否奉真  
曰：如此自可，諸藏皆已衰，唯肝臟獨過，脾爲肝所勝，其氣  
先絕，一臟絕則死。若急瀉肝氣，令肝氣衰，則脾少緩，可延  
三日。過此無術也。乃投藥，至晚能張目，精神稍復，啜粥，明  
日漸蘇而能食，元甚喜，奉真笑曰：此不足喜，肝氣暫舒耳，  
無能爲也。後三日果卒。筆談

# 人漸縮小

呂縉叔以制誥知潁州，忽得疾，身軀日漸縮小，臨終僅如嬰  
兒，古無此疾，終無人識。

正德初，楚人姓潘行三者，身甚肥壯，卒之日，縮如嬰兒，人皆莫知其由。後詢之，平生服硫，以致如此。始信呂縉叔之事不妄。

大歷中，元察爲邛州刺史，而州城將有魏淑者，膚體洪壯，年方四十，親老妻少，而忽中異疾，無所酸苦，但飲食日損，身體日銷耳。醫生術士拱手無措，寒暑未周，卽如嬰孩焉。不復能行坐語言，其母與妻更相提抱，遇淑之生日，家人召僧致齋，其妻乃以釵股挾之以哺，須臾能盡一小甌，自是日加所食，身亦漸長，不半歲乃復如初。察則受與故職，馳驅氣力，且無少異。後十餘年，捍蠻戰死于陳。

集異記



# 人暴長大

皇甫及者其父為太原少尹甚鍾愛之及生如常兒至咸通壬辰歲年十四矣忽感異疾非有切肌徹骨之苦但暴長耳逾時而身越七尺帶兼數圍長啜大嚼復三倍於昔矣明年秋無疾而逝

三水小牘

# 人化為水

歙客經潛山見蛇腹脹甚嚙一草以腹磨頃之脹消蛇去客念此草必消脹毒取置篋中夜宿旅邸鄰房有過客為腹

脹所苦，客取藥就釜煎一杯飲之，頃聞其人血肉俱化爲水，獨遺骸骨，急挈裝而逃。至明，主人不測何爲。及潔釜，炊飯則釜遍體成金，乃密瘞其骸。既久，客至語其事。春渚紀聞

# 卒死

劉太丞，毘陵人，有鄰家朱三者，只有一子，年三十餘，忽然卒

死，脉全無，請太丞治之，取齊州半夏細末一大豆許，納鼻

中，良久，身微煖，氣更甦，迺遷無事。此必痰厥一時人問卒死，太丞

單方半夏如何活得死人，荅曰：此南嶽魏夫人方。外臺秘要

神方救五絕病，一曰自縊死，氣絕；二曰牆壁屋崩壓死，氣絕



三曰溺水死氣絕。四曰鬼魘死氣絕。五曰產乳死氣絕。並能掇之。問葛生何授得此神術。能活人命。生曰：我因入山採藥，遇白衣人問曰：汝非葛醫生乎？我乃半夏之精。汝遇人有五絕之病，用我掇治，卽活。但用我作細末，令乾吹入鼻中，卽復生矣。

鳳綱漢陽人，常採百草花水漬之，瓮盛泥封。自正月始，迄九月末，又取瓮埋之百日，煎丸之。卒死者，以藥丸納口中，水下之，立活。時人稱爲神仙云。外傳

# 消癰

琇按經曰：心移寒于肺，肺消飲一溲二，死不治。又曰：心移熱于肺，傳爲鬲消。又曰：癰成爲消中，又有脾癰、膽癰。



齊章武里曹山跗病淳于意診其脉曰肺消瘠也加以寒熱

即告其人曰死不治適其共養此不當醫治法曰後三日

而當狂妄起行欲走後五日死即如期死山跗病得之盛

怒而以接內所以知山跗之病者意切其脉肺氣熱也脉

法曰不平不鼓形弊此五藏高之遠數以經病也琇按肺為華蓋

藏位最高故切之時不平而代不平者血不居其處琇按盛怒接內則肝

傷而不能藏血代者時參擊並至乍躁乍大也此兩絡脉絕琇按肝腎

無氣故脉代故死不治所以加寒熱者言其人尸奪尸奪者形

弊形弊者不當關灸砭石及飲毒藥也意未往診時齊太

醫先診山跗病灸其足少陽脉口而飲之半夏丸琇按誤以寒熱

屬少病者即泄注。腹中虛又灸其少陰脉。琇按損肝之母是

壞肝剛絕深。如是重損病者氣以故加寒熱。所以後三日

而當狂者。肝一絡連屬結絕乳下陽明。故絡絕開陽明脉。

陽明脉傷即當狂走。琇按熱入陽明則發狂狀如傷寒又血并于陰陰氣并于陽故為驚狂

後五日死者。肝與心相去五分。故五日盡盡則死矣。

陳斗崑治一人。當心一塊如盤。不腫不疼。但晝夜若火燎。近

二年。形瘦色黃。醫以為勞瘵。為鬱火。為溼痰。治皆弗效。陳

診之曰。左關脉如轉豆。琇按左關脉動仍是肝火經曰。陽動則病消痺

熱中。以清靈丹十餘服。心間團團汗濺然。又進近百服。一

夕心如醉。大汗而愈。



脉經曰五藏脉小皆爲消痺者消穀善飢也與此不同

琇按經文論痺甚詳後人昧于病情故畧而不舉

# 痺

齊王黃姬兄黃長卿家有酒召客召淳于意諸客坐未上食

意望見王后弟宋建告曰君有病往四五日君腰脇痛不

可俛仰又不得小便不亟治病卽入濡腎及其未舍五臟

急治之方今客腎濡此所謂腎痺也宋建曰然建故有腰

脊痛往四五日天雨黃氏諸倩見建家京下方石卽弄之

建亦欲效之效之不能起卽復置之暮腰脊痛不得溺至

今不愈琇按腎爲作強之官強力傷之藏病及府膀胱失氣化之權故不得洩建病得之好





持重所以知建病者意見其色太陽膀胱色乾腎部上及界

腰以下者枯四分所故以往四五日知其發也意即為柔

湯使服之十八日所而病愈史記

古者患胸痺者心中急痛錐刺不得蜀醫為胸府有惡血故

也遂生韭數觔搗汁令服之即果吐出胸中惡血遂瘥又


蕭炳謂小兒初生與韭汁灌之吐出惡血長則無病驗非

能歸心氣而去包中惡氣治胸中也名醫錄

# 欬嗽

琇按五藏六府皆有欬症症各不同大抵藏病不已乃移于府○素問五氣所病以肺為欬者肺為金邪中之則有聲又曰秋傷于溼冬生欬嗽

衍義云有人患氣嗽將期年或教以橘紅生薑焙乾神曲等



分爲末。糊丸如梧桐子大。食後臨臥以米飲送下。三十九。  
兼舊患膀胱氣緣服此皆愈。

孫兆治一人病吐痰。頃刻升餘。喘咳不定。而色鬱黯。精神不

快。兆告曰。肺中有痰。胸膈不利。當服仲景葶藶大棗湯。  
中瀉

有一服訖。已覺胸中快利。畧無痰唾矣。

錢仲陽治一人病咳。面色青而光。氣哽哽。乙曰。肝乘肺。此逆  
候也。若秋得之可治。今春不可治。其人祈哀。強與藥。明日  
吾藥再瀉。肝而少却。三補肺而益虛。又加唇白。法當三日  
死。今尚能粥。當過期至五日而絕。

滑伯仁治一婦妊五月。病嗽痰氣逆。惡寒咽膈不利。不嗜食。



者淡旬伯仁診其脉浮弦形體清癯曰此上受風寒也越人云形寒飲冷則傷肺投以溫劑與之致津液開腠理散風寒而嗽自安矣。

張子和治常仲明病寒熱往來時咳一二聲面黃無力懶思

飲食夜寢多汗日漸瘦削諸醫作虛損治之用二十四味

燒肝散鹿茸牛膝補養二年口中痰出下部轉虛戴人斷

之曰上實也先以涌劑吐痰二三升次以柴胡飲子柴胡飲子

人參 大黃 黃芩 炙草 降火益水一月餘復舊此二  
歸身 白芍 生薑 柴胡

陽病也內經云二陽之病發心脾不得隱曲心受之則血不流故女子不月脾受之則味不化故男子少精此二証





名異而實同。仲明之病。乃脾受之。味不化也。

一男子年二十餘。病勞嗽數年。其聲欲出不出。戴人曰。曾服藥否。其人曰。家貧未嘗服藥。戴人曰。年壯不妄服藥者。易治。先以苦劑涌之。次以舟車溶川丸大下之。更服重劑。瘥一田夫病勞嗽。一涌一泄。已減大半。次服人參補肺湯。臨臥更服檳榔丸以進食。

一男子五十餘。病傷寒咳嗽。喉中聲如鼾。與獨參湯一服而輕。再服而鼾聲除。至三四服。咳嗽亦漸退。凡服參三觔而愈。

梅師治久患嘔呷咳嗽。喉中作聲不得眠。取白前搗爲末。溫

酒調服二錢。衍義云白前保定肺氣

一婦人患肺熱久嗽身如炙肌瘦將成肺勞以枇杷葉木通  
款花紫苑杏仁桑白皮等分大黃減半各如常製治訖同  
為末蜜丸如櫻桃大食後臨臥含化一九未終劑而愈

丹溪治一人年五十餘患咳嗽惡風寒胸痞滿口稍乾心微

痛脉浮緊而數左大於右蓋表盛裏虛問其素嗜酒肉有

積後因接內涉寒冒雨忍飢繼以飽食酒肉而病先以人

參四錢麻黃連根節一錢半與二三貼嗽止寒除改用厚

朴枳實青陳皮瓜萸半夏為丸與二十貼參湯送下痞除

看他用藥先  
後輕重之法



一人患乾咳嗽聲啞。用人參橘紅各一錢半。白朮二錢。半夏

曲一錢。茯苓桑白皮天冬各七分。甘草青皮各三分。五貼

後去青皮加五味二十粒。知母地骨皮瓜蒌仁桔梗各五

分。作一貼入薑煎。再加黃芩五分。仍與四物入童便竹瀝

薑汁并炒黃栢二藥。晝夜間服。兩月聲出而愈。先以六君子加天冬

桑皮青皮後配入養陰清火潤肺之品妙

一壯年因勞倦不得睡。患嗽痰如黃白膿。聲不出。時春寒醫

與小青龍四貼。喉中有血絲腥氣逆上。兩日後覺血腥漸

多有血一線。自口右邊出一茶頃遂止。晝夜十餘次。脉弦

大散弱。左大為甚。此勞倦感寒。強以辛甘燥熱之劑。動其



血不治恐成肺痿以參芪歸朮芍陳草帶節麻黃煎熟入藕汁服之二日而嗽止乃去麻黃又與四貼而血除但脉散未收食少倦甚前藥除藕汁加黃芩砂仁半夏半月而愈。

一人痰嗽脇下痛先以白芥子薑汁竹瀝瓜萸桔梗連翹風化硝薑蜜丸噙化茶清下

仇山村少時嘗苦嗽百藥不瘳有越州學錄者教其取桑條向南嫩者不拘多少每條約寸許用二十一枝納於沙石鍋中用水五碗煎至一碗遇渴飲之服一月而愈

仇遠稗史

一人嗽但用香櫞去核薄切片以酒煮熟用蜜拌勻睡起服

一人事佛甚謹，適苦嗽，踰月夜夢老僧呼謂之曰：汝嗽只是感寒，吾有方授汝。但用生薑一物，切作薄片，焙乾爲末，糯米糊丸芥子大，空心米飲下三十九丸，覺如其言，數服而愈。

癸志

張致和治沈方伯良臣患痰嗽，晝夜不能安寢，屢易醫，或曰風曰火曰熱曰氣曰溼，湯藥雜投，形羸食減，幾至危殆。其子求治，張診脈沉而濡，溼痰生寒，復用寒涼，脾家所苦，宜

用理中湯加附子。

誰謂痰症無用附子之法。此土生金之法。

其夜遂得貼枕。

徐進調理之劑，果安。或曰：痰症用附子何也？殊不知痰多者，戴元禮常用附子療治之，出證治要訣。

汪石山治一婦年三十因夫買妾過於憂鬱患咳嗽甚則吐  
食嘔血兼發熱惡寒自汗醫用葛氏保和湯不效汪診其  
脉皆浮濡而弱按之無力晨則近數午後則緩午後則緩故可治  
曰此憂思傷脾病也脾傷則氣結而肺失所養故嗽遂用  
麥門冬片苓以清肺陳皮香附以散鬱人參黃芪芍藥甘  
草以安脾歸身阿膠以和血數服病少寬後每貼漸加參  
至五六錢月餘而愈

一人年二十餘病咳嗽嘔血盜汗或腸鳴作泄午後發熱此弱症  
也汪切脉細數無復倫次因語之曰難經云七傳者逆經  
傳也初因腎水涸竭是腎病矣腎邪傳之於心故發熱而





夜重。心邪傳之於肺，故咳嗽而汗泄。肺邪傳之於肝，故脇痛而氣壅。肝邪傳於脾，故腸鳴而作泄。脾邪復傳之於腎，而腎不能再受邪矣。今病兼此數者，死不出旬日之外矣。果如期而逝。

一人形長，色蒼瘦，年逾四十，每遇秋涼，病咳嗽，氣喘不能臥。春暖即安。病此十餘年矣。醫用紫蘇、薄荷、荆芥、麻黃等以發表，用桑白皮、石膏滑不半夏以疏內，暫雖輕快，不久復作。汪診之，脈頗洪滑，此內有鬱熱也。秋涼則皮膚緻密，內熱不能發泄，故病作矣。內熱者，病本也。今不治其本，乃用發表，徒虛其外，愈不能當風寒，疏內徒耗其津，愈增鬱熱。



之勢遂以三補丸加大黃酒炒三次貝母瓜蒌丸服仍令  
每年立秋以前服滾痰丸三五十粒病漸向安。

一婦年逾五十其形色脆弱每遇秋冬痰嗽氣喘自汗體倦

臥不安席或嘔惡心汪診之脉皆浮緩而濡曰此表虛不

禦風寒激內之鬱熱而然

表虛人皆知之內有鬱熱知之者鮮矣

遂用參芪

各三錢麥冬白朮各一錢黃芩歸身陳皮各七分甘草五

味各五分煎服十餘貼而安每年冬寒病發即進此藥次年

秋間滯下腹痛後重脉皆濡細稍滑汪曰此內之鬱熱欲下

也體雖素弱經云有故無損遂以小承氣湯利兩三行腹

痛稍除後重未退再以補中益氣湯加枳殼黃芩芍藥煎



服先攻後補而兼清仍用醋澆熱磚布裹坐之而愈是年遇寒嗽

喘亦不作矣

一婦產後咳嗽痰多晝輕夜重不能安寢飲食無味或時自汗醫用人參清肺湯嗽愈甚汪診之脉浮濡近駛曰此肺熱也令服保和湯五貼而愈

一婦懷妊七月嗽喘不能伏枕兩臂坐久皮皆潰爛醫用蘇

子降氣湯三拗湯參蘇飲俱罔效汪診之右脉浮濡近駛

按之無力左脉稍和曰此肺虛也宜用補法遂以人參錢半白朮麥冬各一錢茯苓八分歸身阿膠黃芩各七分陳皮五味甘草各五分煎服六七貼而愈



一童子八歲傷寒咳嗽痰少面赤日夜不休醫以參蘇飲數

日嗽甚汪診之脉洪近駛曰熱傷肺也令煎葛氏保和湯

病如失保和湯方知母 貝母 天冬 麥冬 款冬

紫苑 百合 桔梗 杏仁 五味 甘草 兜鈴  
歸身 生地 紫蘇 薄荷

一婦年三十質脆弱產後咳嗽痰臭或作肺癰治愈劇延及

兩脚漸腫至膝大便溏小腹脹痛午後發熱面紅氣促不

能向右臥此弱症脉一汪診脉虛小而數曰凡咳嗽左右

向不得眠者上氣促下瀉泄者發熱不為瀉減者皆病之

反也按此皆原於脾經曰脾主諸臭入肺腥臭入心焦臭

入肝腐臭自入為穢臭蓋脾不能運行其溼溼鬱為熱釀



成痰而臭矣。經曰：左右者，陰陽之道路也。脾虛則肺金失

養，氣劣行遲，壅遏道路，故咳嗽氣促，不能右臥也。脾虛必

奪母氣以自養，故心虛發熱而見於午也。脾主溼，溼勝則

內滲於腸胃，為溇泄；外滲於皮膚，為浮腫。辨症精確合用參芪

甘草補脾為君，白朮茯苓溼為臣，麥冬保肺氣，酸棗仁

以安心神為佐，陳皮前胡以消痰下氣為使，用東壁土以

受陽光最多，用之以為引用，蓋土能解諸臭，用以補土亦

易為力矣。此取錢氏黃土湯之義也。服一貼，前症畧減，病

者喜甚。汪曰：未也。數服後無反復，方是佳兆。否則所謂過

時失治，後發寒熱，真陽脫矣。泄而腳腫，脾氣絕矣。何能收

救

一婦人患症同前，醫作肺癰治，而用百合煎湯煮粥食，反劇。汪診其脉，細弱而緩。緩則可治治以參芪甘溫等劑，不數服而愈。此由治之早也。

一人年十九，面白質弱，因勞思夢遺，遂吐血碗許，自是微咳。

倦弱，後身忽大熱，出疹，疹愈。鬱熱發疹故愈陰囊痒甚，搓擦水流。

敷以壁土，囊腫如盞大，遂去土，以五倍塗少蜜，灸為末，敷

之，遂愈。因感風寒，其嗽尤甚，繼以左右脇痛，汪診脉虛而

數，見其畏風寒，嘔惡倦動，糞塘氣促，曰：此金極似火也。夫

心屬火而藏神，腎屬水而藏志，二經俱屬少陰，而上下相

名醫類聚卷之三

咳嗽

五





通今勞思則神不寧而夢志不寧而遺遺則水不升而心火獨亢也肝屬木而藏血其象震震爲雷心火既亢則同類相應引動龍雷之火載血而越出於上竅矣肝脉環遶陰器亦因火擾而痛痒腫脹也火勝金故肺經虛而乾咳皮毛爲之合亦爲火鬱而發疹大腸爲之府故亦傳導失宜而糞澹然金虛不能平木故木火愈旺而凌脾脾虛則嘔惡而食減經曰壯火食氣脾肺之氣爲壯火所食故倦於動作而易感風寒也經言兩脇者陰陽往來之道路也爲火阻礙則氣不利而痛矣然火有虛有實有似火而實非火故經言有者求之無者求之虛者責之實者責之此治火之

大法也。前症之火皆虛。非水溼之可折伏。惟甘溫之劑。可以祛除。譬之龍雷之火。日出則自潛伏矣。若用苦寒降火。正如雨驟雷烈而火愈熾矣。世醫治火。不惟不求之有無。虛實。專泥咳嗽吐血。皆屬陰虛。悞服參芪。不救之語。概用滋陰等劑。況此服滋陰已百餘貼。而病反增劇。豈可仍以陰虛治之耶。且經言形寒飲冷則傷肺。又謂脾胃喜溫而惡寒。今用甘溫健其脾。則肺金不虛。而咳嗽氣促自愈。肝木有利。而脇痛吐血自除。虛妄之火亦自熄矣。遂以參芪各四錢。神曲。山楂。各七分。白朮。麥冬。貝母。各一錢。甘草。五分。炒乾薑。四分。配黑薑妙煎服十餘貼。脈數減。咳嗽少。除精神稍

健。但後又適新婚，不免耗損真陰，將何以制其虛妄之火耶？蓋欬屬肺，金數脈屬火，欬而脈數，火尅金也。冬月水旺而見數脈，亦違時也。大凡病見數脈，多難治療，病久脈數尤非所宜，故爲之深慮耳。

論弱症之案未有如此篇精切詳明者，當熟讀而綱領之，臨症

自有得心應手之快

薛已治大參李北泉時吐痰涎，內熱作渴，肢體倦怠，勞而足熱，用清氣化痰益甚。薛曰：此腎水泛而爲痰，法當補腎不信，更進滾痰丸一服，吐瀉不止，飲食不入，頭暈眼閉，始信薛言，用六君子湯數劑，胃氣漸復，却用六味丸，月餘諸症

悉愈。



地官李北川每勞欬嗽。薛用補中益氣湯卽愈。一日復作。自用參蘇飲益甚。更服人參敗毒散。項強口噤。腰背反張。薛曰。此悞。汗亡津液而變瘥矣。仍以前湯加附子一錢。四劑而愈。

司廳陳國華素陰虛患欬嗽。以自知醫。用發表化痰之藥。不應。用清熱化痰等藥。症愈甚。薛曰。此脾肺虛也。不信。用牛黃清心丸。更加胸腹作脹。飲食少思。足三陰虛症悉見。朝用六君。加桔梗。升麻。麥冬。五味。補脾土以生肺金。夕用八味丸。補命門火以生脾土。諸症悉愈。經云。不能治其虛。安問其餘。此脾土虛不能生肺金。而金病復用前藥。而反瀉。

其火吾不得而知也

中書鮑希伏素陰虛患咳嗽服清氣化痰丸及二陳苓連之類痰益甚更用四物黃栢知母元參之類腹脹咽啞右關脉浮弦左尺脉洪大薛曰脾土既不能生肺金陰火又從而剋之當滋化源朝用補中益氣加山萸麥冬五味夕用六味丸加五味三月餘喜其慎疾得愈

武選汪用之飲食起居失宜咳嗽吐痰用化痰發散之藥時

仲夏脉洪數而無力

脉數不時則生惡瘡關內逢朮則內癰作

胸滿面赤吐痰

腥臭汗出不止薛曰水泛爲痰之証而用前劑是謂重亡

津液得非肺癰乎不信仍服前藥翌日果吐膿脉數左三

右寸為甚始信用桔梗湯一劑膿數頓止再劑全止面色

頓白仍以憂惶薛曰此症面白脉濇不治自愈白肺色也濇肺脉也

色脉得令故愈又用前藥一劑佐以六味丸治之而愈

儒者張克明咳嗽用二陳芩連枳殼胸滿氣喘侵晨吐痰加

蘇子杏仁口出痰涎口乾作渴薛曰侵晨吐痰脾虛不能

消化飲食胸滿氣喘脾虛不能生津液涎沫自出脾虛不

能收攝口乾作渴脾虛不能生津液遂用六君加炮薑肉果

溫補脾胃更用八味丸以補土母而愈

上舍史瞻之每至春欬嗽用參蘇飲加芩連桑杏乃愈一日

復發用前藥益甚加喉瘖少陰之脉循喉嚨就治左尺洪數而無





力薛曰此腎經陰火刑剋肺金當滋化源遂以六味丸料加麥冬五味炒山梔及補中益氣湯而愈

一男子夏月咳嗽吐痰用胃火藥不應薛以爲火乘肺金用麥門冬湯而愈後因勞役復嗽用補中益氣加桔梗山梔片苓麥冬五味而愈但口乾體倦小便赤澇日用生脉散而愈

韓飛霞旅寓北方夏秋久雨天行咳嗽頭痛用益元散葱薑湯調服應手取效日發數十觔此蓋甲巳土運溼令痰壅肺氣上竅但瀉膀胱下竅而已不在咳嗽例也

江篁南治一少年患咳嗽潮熱診之曰病得之好內飲以四

物減芎加麥冬紫苑阿膠地骨皮嗽熱良已既而不謹復  
作他醫以寒涼之劑投之胸痞滿食減下泄江以甘溫助  
其中氣病旋已所以知病得之好內者切其脉芤而駛真  
陰損熱內生也後緩而弱脾重傷於苦寒也

江應宿奉叔父方伯之滇南抵任月餘叔父患痰嗽氣喘不

能伏枕腰痛大便秘小溲淋瀝胸膈痞悶嘔吐清水召官

醫十餘曹治之罔效素有痰火哮喘病每遇天寒或飲食

起居失宜卽舉發動經旬餘不藥亦愈本欲不服藥則痞

悶二便脹急難當命宿診之六脉緩弱無力右爲甚緩爲脾脉

虛而協溼故宜利小便而投四苓二陳卽告之曰叔父非往昔痰火此屬內



傷蓋因科場選士勞倦傷脾兼以長途雨露受溼溼傷脾

脾氣虛則肺金失養清濁相干陰陽反作經曰濁氣在上

則生臌脹故痞滿而嘔清水宜分利陰陽不得專執滲溼升清之說

利水因喘而痞進四苓散加陳皮半夏竹茹一劑而大小

便通利嘔水亦止是夜伏枕安臥次早換六君子加當歸

阿膠牛膝麥冬五味諸症悉除但覺倦怠時吐稠濁痰一

二口痰滯肺上竅宜再單用六君倍加參朮少佐貝母升

瀉下竅膀胱

麻麥冬五味補脾土調理叔父笑曰汝十年之後當以

顯吾幾違首邱之願遂上疏棄官而歸途中日進前藥一服共服參朮餘抵家平復如初



# 喘

琇按素問云肺病者喘咳逆氣腎病者喘咳蓋肺腎為子母之藏又肺主出氣腎主納氣也

洪邁曰子淳熙丁未四月有痰疾因晚對上宣諭使以胡桃肉三顆生薑三片臨臥時服之畢則飲湯三兩呷又再嚼桃薑如前數且飲湯勿行動卽就枕既還玉堂如恩指敬服旦而嗽止痰不復作輯之事亦類此云已志

信州老兵女三歲因食鹽鰕過多齁喘之疾乳食不進貧無可召醫治一道人過門見病女喘不止教使取甜瓜蒂七枚研為粗末用冷水半茶盞許調澄取清汁呷一小呷如其言纔飲竟卽吐痰涎若膠黏狀胸次既寬齁喘亦定少

日再作。又服之。隨手愈。凡三進藥。病根如掃。此藥味極苦。難吞嚥。謂之曰甜瓜蒂苦。誠然。類編

羅謙甫治一貴婦。年踰五十。身體肥盛。當八月中。霖雨時行。

外傷因過飲酒及撞乳。內傷腹脹喘滿。聲聞舍外。其症不

得安臥。大小便瀉滯。氣壅于上。氣口脉大兩倍於人。迎關脉沉

緩而有力。甚羅思霖雨之溼。飲食之熱。溼熱太盛。上攻於

肺。神氣躁亂。故為喘滿。邪氣盛則實。實者宜下之。為製平

氣散。加白牽牛二兩。半生半熟。青皮三錢。檳榔三錢。陳皮

五錢。大黃七錢。利大便而內經曰。肺苦氣上逆。急食苦以

泄之。故以白牽牛苦寒瀉氣分。溼熱上攻喘滿。故以為君。



陳皮苦溫體輕浮理肺氣青皮苦辛平散肺中滯氣爲臣  
檳榔辛溫性沉重下痰降氣大黃苦寒蕩滌滿實故以爲  
使使亦有重於臣耶再商之爲細末每服三錢煎生薑湯調下無時一  
服減半再服喘愈仍有胸膈不利煩熱口乾時時欬嗽再

與加減瀉白散以桑白皮一兩地骨皮知母陳皮青皮桔  
梗各五錢黃芩炙甘草各三錢劉如麻豆大每服五錢水  
煎服數劑良愈華佗有云盛則爲喘減則爲枯活人書云  
發喘者氣有餘也盛而爲喘者非肺氣盛也喘爲氣有餘  
者亦非肺氣有餘也氣盛當認作氣虛有餘當認作不足  
肺氣果盛又爲有餘當清肅下行而不喘以其火入於肺



衰與不足而為喘焉。故言盛者非肺氣盛也。言肺中之火盛也。言有餘者非言肺氣有餘也。言肺中之火有餘也。故瀉肺以苦寒之劑非瀉肺也。瀉肺中之火實補肺也。用者不可不知。

一人六旬餘。素有喘症。或唾血痰。平居時則不喘。稍行動則氣喘促。今人此症頗多急以黃栢知母滋腎丸空心服七八十九。其症大減。此坎離丸能泄衝脉之火者。故如此效也。

洪輯居溧陽西寺。事觀音甚謹。幼子佛護三歲。病痰喘。醫不能治。凡五晝夜不乳食。五晝夜不乳虛可知症危。輯憂惶禱於觀音。

至中夜。妻夢一婦人自後門入。告曰。何不服人參胡桃湯。

覺而語輯。輯灑然悟曰：是兒必活。此蓋大士垂救爾。急取新羅人參寸許，胡桃一枚，不暇剝治，煎成湯，灌兒一蜺殼許，喘即定。再進，遂得醒。明日以湯剝去胡桃皮，取淨肉入藥與服。喘復作，乃只如昨夕法治之。信宿而瘳。此藥不載方書，蓋人參定喘而帶皮，胡桃則斂肺也。

丹溪治一人貧勞，秋深渾身熱，手足疼如燬。晝輕夜重，服風

藥愈痛。氣藥不效。脉濇而數。濇為少血為瘀，數則為熱。右甚於左。飲食

如常。形瘦，蓋大痛而瘦，非病也。用蒼朮、酒黃柏各一錢半。

生附一片，生甘草三分，麻黃五分，研桃仁九箇，煎入薑汁。

令辣熱服。一起仍用溫散溼熱，非溫散不行故耳。四貼去附子，加牛膝一錢。

八貼後氣喘痛畧減。意其血虛。因多服麻黃。陽虛被發動。而上奔。當補血鎮墜。以酸收之。以四物倍。川芎芍藥加入。參二錢。五味十二粒。與二貼喘定。三日後脈減大半。瀉如舊。仍痛。以四物加牛膝參米桃仁陳皮甘草檳榔生薑五十貼而安。後因負重復痛。食少。前藥加黃芪三分。二貼而愈。

一人五七月間喘不得臥。主於肺。麻黃石膏各二錢。柴胡桑白皮各一錢。甘草五分。黃芩一錢。半服之一汗而愈。後以五味甘草桑白皮人參黃芩遂安。

一人痰多喘嗽。用白朮半夏香附蒼朮各一兩。黃芩杏仁各



半兩薑汁糊丸服

一婦人六十八歲惡寒發熱自四月來久病得痰嗽眠臥不得

食少心膈痛口乾其嗽五更煩甚以白朮三錢芍藥二錢

半炒枳殼麻黃各二錢片苓一錢半桔梗蘇梗葉各一錢

木通五分炙甘草些少五味二十粒入竹瀝

一人日病喘不得臥肺脉沉而瀉此外有風涼溼氣遏內熱

不得舒以黃芩陳皮木通各錢半麻黃蘇葉桂枝各一錢

黃連乾生薑各五分薑連並用妙甘草些少

一人體虛感寒發喘難臥以蒼朮白朮麻黃防風炒片苓各

五分半夏枳殼各一錢桂枝木通炙甘草各三分薑二片



同煎。研杏仁五枚。此方半夏爲君。兼解表。三方前一方爲熱多而設。後一方爲寒多而設也。

浦江吳輝妻。孕時足腫。七月初旬。產後二日洗浴。卽氣喘。但

坐不得臥者。五箇月。

產後元虛氣喘。豈能至五月耶。

惡寒得暖稍寬。兩關

脈動。尺寸皆虛。無百藥不效。朱以牡丹皮。桃仁。桂枝。茯苓。乾薑。枳實。厚朴。桑皮。紫蘇。五味。瓜蒌。實煎湯服之。一服卽寬。二三服得臥。其病如失。蓋作汚血感寒治之也。

滑伯仁治一人。肺氣焦滿。病得之多慾善飲。且殫營慮中。積痰涎。外受風邪。發則喘喝。痰咳不自安。爲製清肺泄滿降火潤燥苦辛之劑。遂安。

沈宗常治廬陵人脹而喘三日食不下咽矣視脉無他問何  
食飲對以近食羊脂沈曰得之矣脂冷則凝溫熨之所及  
也溫之得利而愈

天台李翰林有莫生患喘疾求醫李云莫生病日久我當治

之乃取青橘皮一片展開入江子江子卽巴豆也一箇以麻線繫

定火上燒烟盡存性爲末生薑汁酒一鍾呷服之到口便  
定實神方也

程明祐治張丙患中滿氣喘衆醫投分心氣飲舟車丸喘益  
甚一醫曰過在氣虛以參芪補之喘急頻死程診之曰病  
得痰滯經絡藏腑否寒生臏脹投滾痰丸初服腹雷鳴再





服下如雞卵者五六枚。三服喘定氣平。繼以參苓平胃散。出入三十日復故。所以知丙得之痰滯經絡者。切其脉沉而滑。痰候也。

虞恒德治一羽士。年五十餘。素有喘病。九月間得發熱惡寒。

証喘甚。脉洪盛而似實。

此洪盛脉恐爲涼藥所激而然。

一醫作傷寒治而

用小柴胡湯加枳殼陳皮等藥。六日後欲行大承氣。一醫

曰此傷食也。宜用枳實導滯丸。爭論不決。虞視之。二醫皆

曰脉實氣盛當瀉。虞曰此火盛之脉。非真實也。觀其短氣

不足以息。當作虛治。

金匱云病人無寒熱而短氣不足以息者實也。此以虛治當以意逆不可

徒執古人之法也。何以

而用補中益氣湯加麥冬五味入



附子三分煎服二貼脉收斂四貼而病減輕六貼全安

汪古朴治一婦形肥而長面色紫淡產後病喘不能臥消穀

善飢汗出如洗婁全善云產後喘極危多死也而況汗出如洗乎其得生處全在消穀善飢汪

診視曰此陰虛陽亢當合東垣丹溪兩法治之遂以升陽

滋陰之劑旬餘而愈

汪石山治一人體肥色白年近六十痰喘聲如曳鋸夜不能

臥汪診之脉浮洪六七至中或有一結曰喘病脉洪可治

也脉結者痰礙經隧耳宜用生脉湯加竹瀝服之至十餘

貼稍定患者嫌遲更醫服三拗湯猶以為遲益以五拗湯

危矣於是復以前方服至三四十貼病果如失



一人年踰六十，病氣喘，汪診之，脉皆縈縈如蛛絲，曰：病不出是夜矣，果如期而逝。

一中年男子，久喘，每發時不食數日，聲撼四鄰，百治不效，脉寸沉伏，關滑，遂於未發時用人參、白朮、當歸、地黃、薑汁製之，瓜蒌實、陳皮、茯苓、黃芩、黃連、乾薑些少煎湯下，青礞石丸將發時先用神效沉香丸下之，次於前藥中加杏仁、枳實、蘇葉，倍瓜蒌實煎服，一月後症減十分之八，後遂守此方漸安，後凡治數人，以此法加減之，皆效。

一婦人年五十餘，素有嗽病，忽一日大喘，痰出如泉，身汗如油，脉浮而洪，全似命絕之狀，令速用麥冬四錢，人參二錢。





五味錢半煎服一貼喘定汗止三貼後痰亦漸少再於前方加瓜蒌實錢半白朮當歸芍藥黃芩各一錢半服二十餘貼而安此生脉散之功也

平江沈伯寧家豐好內厚味每年到四九月內必發氣喘擡肩吐痰脉沉澁而細數諸醫用平肺之藥數年不愈如此者六七年用人參生地黃膏和當歸牛膝肉蓯蓉枸杞子五味知母黃栢天麥二冬元參末丸如梧子大每空心吞百丸以救腎虛又用阿魏黃連山查沉香牛黃辰砂膽星陳皮神曲糊丸梧子大臨臥薑湯送三四十九以治厚味服訖復用瓊玉膏二劑而安

江汝潔治一老婦病虛弱氣喘左身半自頭面以下至足發熱自汗單衣被不能耐右身半自頭面以下至足厚衣被不能溫如此三年矣醫藥不效江診其六脉舉之俱微而畧弦按之畧洪而無力二關脉畧勝於二寸經曰微則爲虛又曰諸弦爲飲又曰洪爲陽爲熱又曰無力爲虛據此則知風邪入脾表裏陰陽氣血俱虛之候作也經曰治病必求其本今受風邪乃木來侵土又風自太陽而入脾先當於太陽疎泄以固表次當養脾而祛木俾脾無賊邪之患則血氣漸盛而左熱右寒之疾可除也以石膏款花蕊各三錢官桂甘草半之研爲細末以管吸入喉中濃茶送

下三四分，嗽喘即止。次日用滋補之劑，白朮二錢半，白芍香附各一錢半，黃芪、陳皮各一錢，甘草三分，水煎服。後除芍藥，加入人參三錢，數服而愈。

江應宿治朱萬里子，年十七歲，因服砒毒，雜進解毒藥，併多服泥水，大吐後發喘，擡肩竦體，手足爪甲黑色，氣不相續，頻死復甦，飲食難進。六晝夜不得眠，時六月中旬，邀宿診視，脈促而面赤，曰：胃火衝逆，用葱煮麻黃五聖湯，一七而愈。所謂火鬱發之也。

# 瘧

發 琇按經曰：夏傷于暑，秋必瘧。瘧然必因風溼之邪而



羅謙甫治一人年踰四十七月間勞役過飲午後發熱而渴  
冰水不能解早晨稍輕服藥不效羅診其脉弦數金匱云  
瘧脉自弦弦數多熱瘧論曰瘧瘧脉數素有熱氣盛於身  
厥逆上衝中氣實而不外泄因有所用力腠理開風寒舍  
於皮膚之內分肉之間而發發則陽氣盛而不衰則病矣  
其氣不及於寒故但熱不寒者邪氣內藏於裏而外舍於  
分肉之間令人消爍肌肉故名曰瘧瘧月令云孟秋行夏  
令民多瘧瘧動而得之名曰中暍以白虎湯加梔子治之  
其人遠行勞役暑氣有傷酒熱相搏午後時助故大熱而  
渴如在甌中先以柴胡飲子一兩下之後以白虎加梔子

湯每服一兩數服而愈

滑伯仁治一人病瘧瘡損，饘粥難下，咽六十餘日，殆甚。脉數

兩關尤弦，疾久體瘠而神完。曰：是積熱居脾，且滯於飲食。

法當下藥再進，疾去其半，復投甘露飲、柴胡、白虎等劑，決

旬而愈。

一婦人瘧寒熱涌嘔，中滿而痛，下利不食，年五十餘，殊困頓。

醫藥不效，伯仁診其脉沉而遲，曰：是積暑與食伏痰在中。

當下之。瘧表利裏並發論正治則先表後重甚則攻裏今以沉遲之脉斷為積暑與食伏痰非明眼不能亦

治法或曰：人疲倦若是，且下利不食，烏可下方擬進參附

之變。或曰云云。世醫俱是滑曰：脉雖沉遲，按之有力，雖利而後

如此，且引醫貫為証。



重下迫不下則積不能去病必不已乃以消滯丸藥微得通利卽少快明日卽加數服之宿積腸垢盡去向午卽思食旋以薑橘參苓淡滲和平飲子調之旬餘乃復

毛密甫事母葉夫人極孝母年六十餘病疴旬餘憂甚每夕禱於北辰拜且泣妹立母傍恍惚聞有告曰何不服五苓散持一貼付之啟視皆紅色妹曰尋常此藥不如是安可服俄若夢覺以語兄兩醫云此病蓋蘊熱所致當加硃砂於五苓散中以應神言纔服罷疴不復作

有宗室以恩添差通判常州郡守不甚加禮遂苦疴疾久而弗愈族人士蘧爲鈴轄素善醫往問正話間疴作而顛撼



拔不醒。盡室駭懼。蘧云無傷也。是心中抑鬱。陰陽交戰。至於損厥。正四將軍飲子証也。先令灼艾。灸至四百壯。了無蘇意。於是急製藥。以一附子。火炮去皮臍。四分之一。訶子四箇。炮去核。陳皮四箇。全者。洗淨不去白。甘草四兩。炙。各自切碎。爲四服。水二盞。薑棗各七。煎去五之三。持飲。病者初一杯。灌之不納。至再。稍若吞嚥。三則倏起坐。四服盡。頓愈。更不復作。一時救急如此。此病疴臨發日。逐杯併服。無不神效。

類編

丹溪治一貴人。年近六十。形壯。色蒼。味厚。春得疴瘧。用劫藥。屢止。屢作。綿延至冬。來求治。知其痰少。惟胃氣未完。天寒

欠汗非補不可以一味白朮末之粥丸空腹熱湯下二百丸盡二筋大汗而愈如此者多但畧有加減耳

一人形色俱實患瘧瘧而且痢自恃强健能食但苦汗出米曰瘧非汗不愈可慮能食耳此非痢也胃熱善消脾病不化食積與病勢甚矣宜謹節以養胃氣省出入以避風寒俟汗出透而安不從所言尋卒

一婦病瘧三日一發食少經不行已三月脉無時冬寒議作虛寒治以四物湯加附茱萸神曲丸服疑誤再診見其梳洗言動如常知果誤也

三陰瘧亦有實者醫貫之論不可拘也

經不行非無

血為痰礙脉無非血氣衰乃積痰生熱結伏其脉而不見



耳當作溼熱治與三花神佑丸旬日後食進脉出帶微弦  
朱謂胃氣既全不用藥瘧當自愈而經行也令其淡滋味  
果應

一少婦身小味厚瘧瘧月餘間日發於申酉

間日瘧疾頭痛身熱

口乾寒多喜飲極熱辣湯脉伏面色慘晦作實熱痰治之

脉伏喜熱湯無不作虛寒治此案治法可法以十棗湯為末粥九黍米大服十

粒津嚥日三次令淡飲食半月後大汗而愈

一人性急好酒色味厚適多憂怒患久瘧忽一日大發熱大

便所下臭積大孔極陷下此大虛也脉弦大而浮

發熱臭積脉弦

大浮皆實也而作極虛治真妙不可言須看浮字  
○久瘧之後又無新客感而大發熱非虛而何  
遂以五





磨如錢圓燒紅投童便中急取起令乾以紙裹於痛處恐外寒乘虛而入也以參歸陳皮煎湯服淡味半月而安一婦久痢因哭子變瘡醫與四獸飲之類一日五六作汗如雨不止凡兩月朱診之脉微數食少疲甚蓋痢後無陰悲哀傷氣又進溼熱之藥助起旺火正氣愈虛汗既大出無邪可治陰虛陽散死在旦夕豈小劑之所能補遂用參朮各二兩白芍一兩黃芪半兩炙甘草二錢作大服濃煎一鍾日服三四次兩日寒熱止而愈

一壯男子因勞役發嗽得痲瘧又服發散藥三發後變爲發熱舌短語言不正痰吼有聲脉洪數似滑

洪數似滑之脉兼之發熱似乎

表裏未清而用獨參湯須看  
他服發散藥之後之變症耳  
先用獨參湯加竹瀝二蛤殼

後吐膠痰三塊舌本正而言可辨症未退後用人參黃芪

湯服半月諸症皆退粥食調養二月方能起立而愈

一老人瘧嗽半年兩尺脉數而有力色稍枯蓋服四獸飲等

劑中焦溼熱下流伏結於腎以致腎火上連於肺瘧嗽俱

作參朮苓連升麻柴胡調中一二日與黃栢九作虛而兩

日夜夢交通而不泄此腎熱欲解故從前陰精竅而走散

無憂也次日瘧嗽皆止

一富家子年壯病瘧自卯足寒至酉分方熱至寅初乃休一

日一夜止甦一時因思必為接內感寒所致問云九月暴



寒夜半有盜急起不著中衣當時足冷十日後瘧作蓋足陽明與衝脉合宗筋會於氣街入房太甚則足陽明與衝脉之氣皆奪於所用其寒乘虛而入舍於二經二經過脛會足跗上於是二經之陽氣益損不能滲榮其經絡故病作卒不得休因用參朮大補附子行經加散寒以取汗數日不汗病如前因思足跗道遠藥力難及再以蒼朮川芎桃枝煎湯盛以高桶扶坐浸足至膝外治取汗法亦佳食頃以前所服藥飲之汗出通身而愈

一人年三十餘久瘧虛甚盜汗得嗽嗽來便熱夜甚以甘草些少白朮二錢半防風一錢人參黃芪黃連各五分乾薑



二分數服而愈

二婦人同病瘧一者面光澤乃溼在氣分非汗不解兩發汗

出而愈一者面赤黑色乃暑傷血分瘧赤黑面色為暑用四物加

辛苦寒之劑二日發唇瘡而愈臨病處治其可執一乎

虞恒德治二男子年皆踰四十五各得瘧瘧三年矣俱發於


寅申巳亥日一人晝發於巳而退於申一人夜發於亥而

退於寅虞曰晝發者乃陰中之陽病宜補氣解表與小柴

胡湯倍加柴胡人參加白朮川芎葛根陳皮青皮蒼朮夜

發者為陰中之陰病宜補血疎肝用小柴胡合四物加青

皮各與十貼教其加薑棗煎於未發前二時服每日一貼



服至八貼。同日得大汗而愈。

胡仲禮者，真州人也。國初以醫名，能精其術，遂大聞於時。尤妙太素脉，有病瘧者，久莫能止，求視其脉，曰：此瘧母也。須百劑方愈。病者歸，服藥至半，意憚之，中止而病未瘳。他日以問醫孫姓者，脉之，曰：此須五十劑乃可。如言而病已。蓋孫其壻，卽傳業於仲禮者，其精如此。

孫琳治張知閣久病瘧，遇熱作時如火。年餘骨立，醫以爲虛，投之茸附，熱愈甚。招孫診視，投小柴胡湯三貼，服之熱減。十九又一服，脫然。孫曰：是名勞瘧，熱從髓出。又加剛劑，剝損氣血，安得不瘦。蓋熱不一，有去皮膚中熱者，有去臟腑

中熱者若髓熱非柴胡不可北方銀州柴胡只須一服南方力減故三服乃效今却可進滋補藥矣

薛已治一婦人久瘧形體怯弱內熱晡熱自汗盜汗飲食少思月事不行服通經丸虛症悉具此因虛而致瘧因瘧而致經閉用補中益氣湯及六味丸各百餘劑瘧愈而經行矣

一婦人久瘧瘧作則經不行形虛脉大頭痛懶食大便泄瀉小便淋漓口乾唇裂內熱腹膨皆元氣下陷相火合病壯火食用補中益氣湯治之尋愈惟不時頭痛乃加蔓荊子而痛止又兼用六味丸而經行



一婦人瘧久兼之帶下發後口乾倦甚薛用七味白朮散加  
麥冬五味作大劑與之恣飲再發稍可乃用補中益氣加  
茯苓半夏十餘劑而愈凡截瘧薛常以參朮各一兩生薑  
四兩煨熟煎服卽愈或以大劑補中益氣加煨薑其功尤  
捷

一產婦患瘧發熱作渴胸膈脹滿遍身作痛三日不食嘔酸  
噯氣此是飲食所傷脾胃不能消化用六君加神曲山查  
四劑而不作酸乃去神曲山查又數劑而飲食進其大便

不通至三十五日計飲食七十餘碗腹始悶令用猪膽汁

導而通之其糞且甚燥琇按得非燥藥過劑耶○婦人令用導法頗不雅潤以下之頗爲簡

一產婦患瘧久不愈百病蜂起其脉或洪大或微細或弦緊或沉伏難以名狀用六君子加炮薑二十餘劑脉症稍得又用參朮煎膏佐以歸脾湯百餘劑而瘥

冬官朱省菴停食感寒而患瘧自用清脾截瘧二藥食後腹脹時或作痛服二陳黃連枳實之類小腹重墜腿足浮腫加白朮山查吐食未化薛曰食後脹痛乃脾虛不能尅化也小腹重墜乃脾虛不能升舉也腿足浮腫乃脾虛不能運行也吐食不消乃脾胃虛寒無火也治以補中益氣加吳茱萸炮薑木香肉桂一劑諸症頓退飲食頓加不數劑而



痊。

一儒者秋患寒熱。至春未愈。久病屬虛胸痞腹脹。用人參二兩。

薑二兩。煨熟煎服。寒熱即止。更以調中益氣。加半夏茯苓。

炮薑數劑。元氣頓復。後任縣尹。每飲食勞倦疾作。服前藥。

即愈。

一上舍每至夏秋。非停食作瀉。必瘧痢癘亂。遇勞吐痰頭眩。

體倦發熱惡寒。用四物二陳苓連枳實山梔之類。患瘧服。

止截之藥。前症益甚。時或遍身如芒刺然。時身如芒刺虛而協溼以茯苓

半夏以薛以補中益氣。加茯苓半夏。內參芪各三錢。歸木。

各二錢。十餘劑少愈。若間斷其藥。諸病仍至。連服三十餘。



劑全愈。又服還少丹半載，形體充實。

汪石山治老人年近七旬，形色蒼白，勞倦病瘧，瘧止胸膈痞悶，惡心痰多，不思飲食，懶倦口苦，頭痛，夜夢紛紜，兩腿時瘡，脈皆浮濡無力，且過於緩。醫書云：脈緩無力者，氣虛也。又云：勞則氣耗，又云：勞倦傷脾，脾傷不能運化精微以養心，故心神爲之不寧，宜做歸脾湯例治之。人參二錢，麥冬、白朮各一錢，歸身、酸棗仁、茯神各八分，黃芩、陳皮各六分，枳實、甘草各五分，川芎七分。煎服二貼，夜臥頗安，但覺後欲吐，或則吞酸吐痰，減去枳實，加山楂七分，吳茱萸二分。服之，仍用參朮歸芎山梔山楂丸服而愈。

博按此案原刻謬悞

一人年踰四十，形瘦色紫淡，素勞傷脾，令常服參苓原刻悞芪白



木散獲安。住藥一年。復勞飲冷。酒不爽。是夜頭又被溼。遂

致身冷不安。早起。面目俱黃。醫用零筋草根。酒煎服之。吐

瀉大作。又加薑煎。則心熱。膈壅。不進飲食。大便秘結。瘧作

胸膈痞塞。粥飲不入。食湯則噁。氣嘔逆。吐涎。意向甚惡。汪

診左脉浮濇。原刻無力。肝脉頗弦。右肺部濡散。脾部浮微。

二部脉皆似有似無。或呼吸相引。又覺應指曰。此脾虛之

極也。初因勞熱飲冷。頭又被溼。內熱因鬱。故發為黃。若用

搐藥以泄上焦。溼熱則黃自退。乃用草藥酒煎。溼熱雖行。

而脾氣存也。幾希且勿治。瘧當補脾為急。用人參五錢。橘

紅一錢。時時煎湯呷之。令其旦暮食粥。以養胃氣。彼如所

言。旬餘乃愈。

一人年踰四十不肥不瘦形色蒼白季秋久瘧醫用丹劑一  
丸止之嘔吐不休粒米不入大便或瀉面赤妄語身熱汪  
診脉皆浮而欲絕仲景云陽病得陰脉者死今面赤身熱  
妄語其証屬陽而脉微欲絕則陰脉矣此一危也經曰得  
穀者昌失穀者亡今粒米不入此二危也又曰泄而熱不  
去者死今數泄瀉而面赤身熱不除此三危也以理論之  
法在不治古人云治而不愈者有矣未有不治而愈者也  
令用人參五錢白朮二錢炒米原刻御米一錢橘紅原刻陳皮八分  
煎服至四貼始漸有生意

一人年近三十形瘦淡紫八月間病瘧汪診之左脉頗和而  
駛右脉弱而無力令用清暑益氣湯加減服之覺胸膈痞



悶遂畏人參更醫作瘧治而瘧或進或退服截藥病稍增延至十月復請汪診脉皆浮小而濡帶數右手則尤近不足曰正氣久虛邪畱不出瘧尚不止也宜用十全大補湯減桂加茯苓倍參服之漸愈

一人年踰三十形瘦色蒼八月間病瘧或用截藥或用符水延纏不愈胸膈痞滿飲食少進大腸痔血小便短赤瘧發於夜寒少熱多自汗汪診左脉濡小而緩右脉濡弱無力曰此久瘧傷脾也用人參二錢白朮歸身茯苓各一錢芍藥八分黃芩七分枳實五分陳皮六分甘草四分煎服後因痔血未止吞槐角丸而血愈多仍服前方而血減矣一婦面色淡紫年逾四十九月病瘧夜發渴多汗嘔吐粒食

不進數日。汪診脉皆浮濡而緩。按之無力。遂用人參五錢。橘紅八分。甘草七分。白朮一錢。煎服十餘貼。瘧止。食進。漸有生意。但大便二十日不通。再診。右脉浮小無力。左脉沉弱無力。前方加歸身一錢。大麻仁錢半。如舊煎服。病除。

一婦年逾三十。瘦長。淡紫。六月產。八月瘧。瘧止。胸膈痞悶。纔

勞喘咳血。身熱脚冷。汪診左脉濡緩。

原本

右肺部頗洪。關

尺二部亦弱。以生地黃、白芍、麥門冬、白朮各一錢。阿膠歸

身、牡丹皮各七分。人參八分。陳皮五分。煎服一貼。再令熱

服。瀉止。膈快。但盜汗而脚軟。前方加黃芪錢半。黃栢七分。

依前煎服愈。

一人年三十。形色蒼白。因勞感熱。九月盡病瘧。頭痛口渴。嘔

吐胸膈痞塞不進飲食自汗倦怠熱多寒少醫用截藥病  
增飲水卽吐汪診脉皆浮大而濡頗弦曰此勞倦傷脾熱  
傷氣之瘧也令人參三錢黃芪錢半白朮麥冬各一錢  
枳實五分山查七分歸身黃栢知母各七分乾薑甘草各  
三分石翁用藥妙在佐使得宜後學須做此例煎服三貼病減復勞病作前方  
人參加作四錢服之而安

一人年三十九久瘧醫用補中益氣湯或止或作延及半年因  
解髮結勞傷咳嗽醫以前方加半夏五味遂致喉痛聲啞  
夜不能寢請汪視之右脉浮濡左脉小弱曰經云陰火之  
動發爲喉痺是也此必色慾不謹久服參芪徒增肺中伏  
火耳令以甘桔湯加鼠黏子蜜炙黃栢煎服二貼喉痛除



而聲出。繼服保和湯五貼而安。

一人年三十餘，形瘦淡紫，素勞久瘧，三日一發於夜。三陰喘

吐熱多寒，少不進飲食，小便頻數，氣喘咳嗽，日夜打坐不

能伏枕幾月矣。頭身骨節皆痛。數月不能伏枕，虛也。然真

嗽而況兼症有頭身骨節痛即此為虛中有實。醫作瘧治，病甚衆皆危之。脉皆浮


虛緩弱而不甚大。若脉洪大當汪以參、朮、加陳皮、黃栢、枳

實、知母、麥冬、北五味煎服三貼，病退。越二日復病，令用四

物加童便服之，則嗽除喘止，始能就臥。再用八物湯除茯

苓、加枳實、香附，又用枳朮丸，加入參、砂仁、歸身、黃芩，吞服

調理。熱來常服童便，半年而安。加減法妙



一婦形色脆白、年五十餘、憂勞六月、背瘡、艾灸百餘壯、瘡散病瘡、身熱自汗、口渴、頭暈、嘔吐泄瀉、不進飲食、寒少熱多、自用清暑益氣湯、病甚、汪診左脉浮微、似有似無、右脉浮小、按之不足、曰病雖屬瘡、當作虛、治依方而用清暑益氣湯、固與病宜、但邪重劑輕、病不去耳、令以參朮加作五錢、芪三錢、茯苓一錢、陳皮七分、甘草五分、煎服病退。

一人因冒風病瘡、熱多寒少、頭痛倦怠、食少自汗、已服參蘇飲一貼、汪診之、脉皆浮虛、近駛、曰此虛瘡也、非參蘇飲所宜、以參芪歸朮等藥、煎服五六貼而愈、且諭之曰、元氣素虛、不宜發散、凡遇一切外感、必須以補元氣為主、少加發

散之藥以佐之庶爲允當

一婦常患咳嗽加以瘧疾因左脇有塊瘧止有孕嗽尚不寧  
喉乾痰少時或嘔吐出頑痰鍾許方止夜亦如是常覺熱  
盛胸膈壅滿背心亦脹常要打摩姪已六月夜半如廁身  
忽寒戰厚覆少頃乃愈越兩日夜半又發寒熱如瘧肢節  
痛上身微汗口中覺吐冷氣胸喉如有物礙心前虛腫按  
之卽痛頭痛氣喘坐臥不寧醫作傷寒發散又作痰症而  
用二陳不效汪往視之脉皆濡而近滑曰胃虛血熱也此  
亦虛中有實但斷以血熱辨在何處先以四君子湯加黃  
想因頭痛四肢痛心前按之痛即  
芩枳殼麥冬煎服二三貼以保胃氣繼以四物加檳榔枳



穀麻仁大黃三服下之。非明眼如遂滯下後重。虛坐努責。

怠倦不食。時或昏悶亂叫。食則脹。不食則飢。四肢痛。脚腫。

琇按此或汪曰胃虛非湯藥所宜。令合枳朮丸。加人參當

歸黃芩服。月餘諸症悉除。胎亦無損。

一人形瘦色脆。年近三十四月間腹痛。惟覺氣轉左邊。五日

而止。次年四月亦然。八月病瘧。間日一發。寒少熱多。十餘

日止。第三年四月八月。如舊腹痛。瘧作。四年五年四月八

月亦然。但瘧作腹痛。瘧止痛止。旬餘瘧除。又瀉痢十餘日。

瀉止瘧又作。但不腹痛。五日瘧瘥。仲冬感寒。頭痛發熱。腹

及右脇脹痛。氣喘溘瀉。內黑外紅。日夜五六次。內熱不減。



飲食難進。醫用三乙承氣湯二貼。繼用木香枳朮丸。諸症

稍定。午後發熱愈熾。遇食愈脹。得瀉畧寬。陰火乘脾頭痛不滅。

請汪診視。脉皆浮濡。近駛。目氣屬陽。當升。虛則下陷矣。又

屢服消剋攻下之劑。所謂虛其虛也。安得不脹而頻瀉乎。

經云。下者舉之。其治此病之謂歟。或曰。脹滿者。氣有餘也。

積塊者。氣固結也。經云。結者散之。有餘者損之。今有餘而

補。固結而益。何也。此一辨不可少汪曰。人身之氣。猶天之風。風性

剛勁。揚砂走石。孰能禦之。孟子曰。至大至剛是也。餒則為

物障蔽。反以為病。若能補養。以復其剛大之性。則衝突排

蕩。又何脹滿不散。積塊不行。經曰。壯者氣行則愈。怯者著



而成病是也。蓋氣之強壯者，則流動充滿。或有積滯，亦被衝突而行散。何病之有？氣之怯弱，則力小遲鈍。一有積滯，不免因循承襲，積著成病。法當升陽益胃，遂以參苓白朮散煎升麻湯。妙神效調服月餘，仍令丸服一料而愈。

一人形瘦色脆，年三十餘。八月因勞病瘧，寒少熱多，自汗體倦，頭痛胸痞，畧咳而渴，惡食，大便或秘或溏，發於寅申巳亥。夜醫議欲從丹溪用血藥，引出陽分之例治之。汪診其脈濡弱，近駛稍弦，曰：察形觀色，參脈乃屬氣血兩虛，瘧已深八厥陰矣。專用血藥，不免損胃，又損肺也。淹延歲月，久瘧成勞，何也？自汗嗽渴而蒼朮白芷，豈宜例用？惡食胸痞。





而血藥豈能獨理。古人用藥立例，指引迷途耳。因例達變，在後人推廣之也。遂以補中益氣湯加川芎、黃柏、枳實、神曲、麥門冬，倍用參、芪、朮煎服三十餘貼，諸症稍除。瘧猶未止，乃語之曰：今當冬氣沉潛，瘧氣亦因之以沉潛，難使浮達。況汗孔亦因以閉塞。經曰：瘧以汗解。當此閉藏之時，安得違天時以汗之乎？且以參、朮、枳實、陳皮歸身、黃芩九服，胃氣既壯，來年二月瘧當隨其春氣而發泄矣。果如期而安。

一人年三十，形色頗實。初因舟行過勞，受熱咳嗽不已。續又病瘧。素有熱淋，服藥或作或輟。汪診之，脉皆濡弱。近緩左。

尺畧駛曰此熱傷氣也肺爲氣主氣傷肺亦傷矣故發咳  
嗽其瘧亦因熱而作令用人參錢半白朮麥冬茯苓各一  
錢歸身知母各七分青皮黃栢甘草各五分煎服而安九  
月復舟行過勞傷熱其瘧復作或一日一發或二日三日  
一發或連發二日無期而發醫治不效仍用前方煎服而  
安

一人年三十一六月中因勞取涼夢遺遂覺惡寒連日慘慘

不爽三日後頭痛躁悶

須看三口後三字少陰亦有頭痛分別陰陽在此

家人診

之驚曰脉絕矣議作陰症欲進附子湯未決請汪治曰陰  
疴無頭痛今病如是恐風暑乘虛入於陰分故脉伏耳非

絕脈也。若進附子湯，是以火濟火，安能復生。姑待以觀其變。然後議藥。次日未申初，果病寒少熱多，頭痛躁渴痞悶，嘔食自汗，大便或瀉或結，脈皆濡小而駛，脾部兼弦。此非尋常祛瘧燥烈劫劑所能治。遂用清暑益氣湯，減蒼朮、升麻、加柴胡、知母、厚朴、川芎，以人參加作二錢，黃芪錢半，白朮當歸各一錢，煎服二十餘貼而愈。

祁邑二尹，北人也，形長魁偉，年逾四十六，月舟中受熱病瘧，寒少熱多，頭痛躁渴，汗多，醫用七寶飲治之，不愈。汪診其脈浮濡而駛，畧弦，曰：此暑瘧也。以白虎湯加人參三錢，煎服十餘貼而瘧止。



程侍御形色清脆年四十餘素善飲病熱頭痛惡食泄瀉小便短少午後惡寒發熱醫用二陳平胃五苓共一服治不退反增腰腹拘急汪診視脉皆濡弱頗弦而駛曰耗血傷胃惟酒爲甚復加以時熱外傷其氣內外兩傷法當從補若用草果檳榔常山半夏燥烈之劑譬之抱薪救火寧不益其病耶遂以人參二錢黃芪錢半以益皮毛不令汗泄白朮茯苓石膏麥冬各一錢以導溼熱不使傷胃知母青皮神曲黃芩歸身川芎柴胡各七分以消積滯而和表裏少加甘草三分煎服十餘貼瘧止後以參苓白朮散常服

收功

一人年三十餘，八月因勞病瘡，請汪診視，脈皆六至而數無力。曰：古人云：形瘦色黑者，氣實血虛也。又云：脈數無力者，血虛也。間日發於午後，亦血分病也。以色脈論之，當從血治。但今汗多，乃陽虛表失所衛，消穀善飢，乃胃虛火乘其土，皆陽虛也。仲景法有憑証，不憑脈者，茲當憑証作陽虛治。以參、芪各三錢，白朮、白芍、麥門冬各一錢，歸身、生地、甘草各七分，黃栢、知母、陳皮各五分，煎服二十餘貼。若用尋常驅瘡劫劑，寧免後艱。

博按舊刻此案脫二句

石山翁年逾六十，形質近弱，八九月酷熱時往來休歛，外有藥劑之勞，內有病者之憂，內外弗寧，晝夜不靜。至十月初

旬瘧作三日午後一發寒熱不甚喜熱惡寒寒去熱來則覺爽矣口乾微渴臨發昏倦嗜臥左脉沉小而數右脉浮濡無力亦近於數獨脾部弦而頗洪瘧去則脉皆大小浮沉相等惟覺緩弱而已初服補中益氣湯十餘貼病無加減夜苦盜汗繼服當歸六黃湯先補氣血黃芪每貼四錢五貼汗止瘧如舊再服白虎湯後清暑邪人參四錢石膏三錢知母一錢甘草六分米一撮煎服十餘貼而愈

一人瘦長脆白年三十餘久瘧後盜汗自汗過多加以傷食吐瀉大作吐止而瀉四日不住筋惕肉瞤驚悸夢遺小便不禁汪診脉皆緩弱右則畧弦而濇曰此下多亡陰汗多



亡陽氣血虛也。遂以參芪爲君，白朮爲臣，山梔麥冬牡蠣爲佐，酸棗歸身山查爲使，加以薄桂煎服，旬餘諸症稍退。半年之間，常覺臍下內熱一團，烘烘不散。時或夢遺。一醫議作熱鬱，固欲下之。汪曰：此非有餘之熱，乃陰虛主內熱耳。若欲下之，是殺之耳。宜以前方加黃柏，熱當自退。果驗。一人年十七八時，因讀書，忍飢感寒，得瘧，延纏三年，瘧愈寒氣臍左觸痛，熱熨而散，仍或發或止。後因新娶，往縣復受飢寒，似病傷寒，吐二日夜不止。卽服理中湯，補中益氣湯，固本丸，補陰丸，猪肚丸。其吐或作或止，飲食少進。續後受飢勞，倦食則飽悶。子至午前睡安，畧爽，食稍進。午後氣升。

便覺脹悶。胸膈漉漉水響。四肢微厥。吐水或酸或苦。亦有  
間日吐者。大便燥結。小便赤短。身體瘦弱。不能起止。汪曰  
雖不見脉。見証必是稟賦素弱。不耐飢寒。宜作飲食勞倦  
爲主。而感冒一節。且置諸度外。夫氣升脹悶。觸痛者。脾虛  
不能健運。以致氣鬱。而然胸膈漉漉水聲。謂之雷飲。乃用  
獨參湯。補養其氣血。加薑以安其嘔吐。黃栢以降其逆氣。  
初服三貼。臍左痛除。吐止。將人參加作一兩。吐又復作。此  
由補塞太過。而無行散佐使故也。人參減作七錢。附五分。  
炮薑七分半。夏八分。蒼朮厚朴各七分。茯苓一錢。服至二  
十餘貼。吐止。食進。餘病皆減。頗喜肉味。以手揉其肚。尚有

水聲汨汨。微感寒。腹中氣猶微動。或時鼻衄數點。近來忽瀉二日而自止。纔住前藥。又覺不爽。前方加黃芪四錢。山梔七分。減黃栢。如舊煎服。或曰吐水或酸。或苦。大便閉燥。小便赤短。諸書皆以爲熱。凡病晝輕夜重。諸書皆爲血病。今用薑附者何也。蓋吐水酸苦。由脾虛不能行溼。溼鬱爲熱。而水作酸苦也。薑附性熱。辛散溼。逢熱則收。鬱逢熱則散。溼收鬱散。酸苦自除。大便燥結者。由吐多而亡津液也。小便短少者。由氣虛不能運化也。故用人參以養血氣。則血潤燥除。氣運溼通矣。若用苦寒之藥。則苦傷血。寒傷氣。反增其病矣。日輕夜重爲血病者。道其常也。此則不然。雖似



血病實氣病也。醫作血病而用固本補陰等藥，反不解。非  
血病可知。所以日輕夜重，日則陽得其位而氣旺，故病減。  
夜則陽失其位而氣衰，故病重。經曰：至於所生而持，自得  
其位而起是也。故病則有常有變，而醫不可不達其變也。  
病將愈，猶或鼻衄數點者，此浮濡之火也。加山梔氣味薄  
者，以潛伏之久，當自愈後，聞食母猪肉，前病復作。汪曰：臟  
腑習熟於藥，病亦見化於藥，再無如之何矣。此案宜熟玩

一人年踰四十，形肥色蒼，因勞後入房，感風夜半瘧作，自汗  
寒少熱多。一日一作。醫用清脾小柴胡四獸等劑，不效。漸  
至二日，或三日一發。三陰瘧汪診左脉浮洪，虛豁而數。右脉

虛小散數。頭眩耳鳴。四肢懶倦。手足麻大。便溏。左脇瘧母。

時或夢遺。虛無疑矣發則嘔吐多痰。或辰或午發。至酉戌乃退。

每至三十日連發二次。子時發至黎明。其發微。辰時發至

酉戌。其發如常。乃用參芪歸朮知母麥冬厚朴陳皮大劑

與之。初服一劑。痞塊反高。小腹脹痛。汪曰。若藥不瞑眩。厥

疾不瘳。再當服之。此一轉非認症真不能數貼後。脉覺稍靜。不數病

者曰。脉平而病不減。何也。汪曰。瘧邪已深。非數劑之藥。且

夕之功。所能愈。當久服。待春分。陽氣發揚。方得全愈。苟惑

人言。不惟瘧不能止。或癆或鼓。難免。後憂夫瘧。因感風暑

寒水而作也。經曰。皮膚之外。腸胃之內。氣血之所舍也。氣



屬陽。風暑陽邪而中於氣。血屬陰。寒水陰邪而中於血。先  
中陽邪。後中陰邪。則先寒後熱。先中陰邪。後中陽邪。則先  
熱後寒。陽邪多則熱多。渴而有汗。陰邪多則寒多。而汗少。  
氣血受邪而居於其舍。悍衛之氣運行不息。不受邪也。日  
行陽二十五度。夜行陰二十五度。每一刻則周身一度。行  
與邪遇。則邪壅遏其道路。故與相搏而瘧作也。搏則一勝  
一負。負則不與之搏。而悍衛無礙。故瘧止矣。可知久病後發寒熱忽然  
無故而止。當思元氣脫盡。連寒熱不能作耳。夫邪之盛衰。因氣血之盛衰。氣血盛  
邪亦盛。氣血衰邪亦衰。久則氣血衰。或靜養二三日。氣血  
復盛。而邪亦盛。悍衛行與之遇。又復相抗。而瘧每三十日。



連發二次者。蓋二十八九三十日晦日也。陰極陽生之時。夜半微陽始生。而力尚弱。故瘧發亦輕。辰則陽旺矣。故瘧亦重。此瘧所感陽邪居多。故隨陽氣盛衰而爲之輕重。其三日一發。非入於藏也。由氣血盛衰而然。非若傷寒之傳經也。或曰。邪氣旣因氣血而盛衰。今補其氣血。未免邪亦盛矣。曰。邪之所湊。其氣必虛。氣血未補。終未至於強健。強健邪無容畱矣。經曰。邪正不兩立是也。

俞子容治嶺南一大商病瘧。胸中痞悶煩躁昏不知人。願得涼藥。清利上膈。其症上熱下寒。脉沉而微。以生薑附子作湯浸冷俾服。溫踰時甦醒。自言胸膈疎爽。然不知實用附子。

也。初瘧用附子人所未知若庸工見其胸中痞悶投以涼藥下之十

無一生然此法惟山嵐瘴氣所致下體虛冷之人宜施若暑瘧痰瘧則別處治可也

江篁南治曹氏子年二十餘客歸跋涉勞倦兼受熱飲涼水患瘧每日午先寒後熱多汗一醫爲用清脾湯繼用斬鬼丹吐涎益甚後二日嘔吐不止乃用人參養胃湯二貼嘔吐如故兼痰中有血六月中旬江視之脉虛豁以二陳湯加白芍白木扁豆人參枳實山查黃連藿香薑棗出入加減八劑愈

一人瘧疾更三醫不可後一醫投薑附湯可而復作每至午

前大寒寒時面青手指趾甲俱青。指曰兩寒者多然有一

可與大熱案橘異狀戰慄寒後復熱得汗只涼瘦削危甚。泉翁治法參看

不可言江診六部脉沉細先投溫脾湯繼進鐵煎散三盞

五更下鶴頂丹至次日午前以理中湯下黑錫丹一服如

此三日而愈此乃寒症之藥也

一人瘧後先寒後熱醫用清脾湯又服截瘧丹遂發惡心吐

而復瀉。理中湯之用因此次日鼻衄兩三碗但多煩熱求治加以

小柴胡加半夏柴胡之類四服解其榮中之熱次投鐵煎

散以祛瘧之邪午前將末理中湯入黃丹冷水調下黑錫

丹和中壓痰鎮下。妙瘧即不來矣此乃熱因寒用寒因熱





用之意

江應宿治李祠部真陽傷寒變瘧。大渴大熱。煩躁引飲。都城醫投六君加青皮厚朴檳榔草果十餘日不效。召子診視。六脉洪數微弦。與小柴胡去半夏。加白虎湯。一劑而渴止。再劑熱退而愈。子時有儀揚之行李。問已後當服何藥。子曰。公勞傷心脾。將來但恐寤而不寐。宜歸脾湯調理。後果煩躁不寐。遣幼官往儀。召子至。則諸醫衆論紛紜。將欲下。子止之曰。胃不和則臥不安。豈可妄下。其家人囁囁以下。爲是竟投下藥。子固辭不復往。綿延三月餘。弗瘳。遂養病歸籍。多方調理而後愈。此蓋輕病重治皆醫之過也。

阮上舍患瘧已經三年或三日一發或五七日一發發於午

後未申時

諸寒熱無期唯瘧有期

背心隱隱寒起戰慄兩膝齊冷至

足一二刻寒退熱作煩渴引飲屢治或暫止或半月一月

又復作右脇下一塊如杯行步稍遠即覺微痛乘馬勞頓

亦作痛九月初診得弦數之脉投柴胡桑白皮各五錢鼈


甲醋炙二錢作一服加煨薑水煎服即止更與四君加柴

胡鼈甲調理月餘間與瘧母九不復舉矣

夫久瘧乃屬元氣虛寒蓋氣虛則寒血虛則熱胃虛則

惡寒脾虛則發熱陰火下流則寒熱交作或吐涎不食

泄瀉腹痛手足逆冷寒戰如慄若誤投以清脾截瘧等



耗氣血藥多致綿延不休。若兼停食，宜用六君枳實厚朴。若食已消而不愈，用六君子湯。若內傷外感，用藿香正氣散。若內傷多而外感少，用人參養胃湯。若勞傷元氣兼外感，用補中益氣加川芎。若勞傷元氣兼停食，補中益氣加神曲、陳皮。若氣惱兼食，用六君加香附、山梔。若嘔酸，或食後口酸，當節飲食。病作時，大熱躁渴，以薑湯乘熱飲之，此截瘡之良法也。每見發時，飲啖生冷物者，病或少愈，多致脾虛胃損，往往不治。大抵內傷飲食者，必惡食。外感風寒者，不惡食。審係勞傷元氣，雖有百症，但用補中益氣湯，其病自愈。其屬外感者，主以補養。



佐以解散其邪自退若外邪既退卽補中益氣以實其表若邪去不實其表或過發表虧損脾胃皆致綿延難治凡此不問陰陽日夜所發皆宜補中益氣湯此不截之截也夫人以脾胃爲主未有脾胃實而患瘧痢者若專主發散攻裏降火導痰是治其末而忘其本以前乃治瘧之大畧如不應當分六經表裏而治之

夫瘧三日一發丹溪以發日之辰分屬三陰而藥無三陰之別總用撫芎當歸紅花蒼朮黃栢等藥掣起陽分瘧入陰分由陽虛陷入也惟宜陽分助氣之藥加血藥引入陰分亦可掣起專用血藥祗恐邪愈下陷何以能

掣起哉

名醫類案卷第三  
終

